




SI KHA UPNA LAANG





"Topa' thupiaknana awging
lianpi, vanmi mangpa thugen
na le Pasion' pengkul tum hong
ging ding a, vantung panin
Topa mahmah hongpai ding hi.
Misite hong tho masa ding uh
hi. A nungta lai eite zong
amaute tawh, meii sungah,
Topa i dawntuah ding hi. Tua
bangin Topa tawh i omkhawm
tawntung ding ahi hi."

(1 Thessalonians 4:16, 17)

Dawimangpa in eite tung ah amasa pen zuau kammal in: “Na si takpi kei ding hi” (Pian. 3:4). Eite-in i um hi.

Mi khempueh phial in eite’ sungah a si theilo kha om hi, ahihkeileh i pumpi aa om na pawl khat sihna pan a suakta/sitheilo hi ci-in tu ni ciangdong mah um in sang’ lai uh hi.

Tua tawh a kilehbulh in Lai Siangtho in kician tak le thuuk takin honghilh hi: “Mawhna a bawl kha pumpi in si ding hi” (Ez. 18:20). Khuavan buppi buaina in a thupi pen kawi dotdot hi: Nang kua um ding na hia, dawimangpa maw, Pasion?



Sikha upna le Sihna:



A si theilo kha



Thuciam Lui sunga Sihna



Thuciam Thak sunga Sihna



Ni Tawpni hunah sikha upna:



Lim’ lakna le nalamdangte



Sikha upna ii ngiimna

SIKHA UPNA

LE

SIHNA



A SI THEILO KHA

“Meilum kaite bei-in a man'than' bangin Leinuai-a paisukpa mangthang ding hi.” (Job 7:9 ZIV)



A huam in enleng, mihing pianzia in thuap nih tawhIn kici thei hi: pumpi le kha (a kimu theilo hu) omhi cih um hi. Hih pianzia nih tawh suakta takin nungta hi.

Ahizongin eite-in “pumpi, kha/a kimu theilo hu le mihing hihna” tawh kibawl ahihna Lai Siangtho in honghilh hi (1Thes. 5:23). Hih a khen'te in kizom dim'diam ahihlam honghilh hi. Pian. 2:7 ah Pasion in i pumpi hong bawl in, tua pen nuntakna hu (kha) tawh a gawm ciangin a nungta pumpi hong suak hi (Hebrew pau in “being,” *nefesh* = “mihing hihna”).

Tua ahih manin mihing hihna in pumpi le a kimu theilo hu a kigawm hi. Eite-in mihing hihna i nei kei hi. Eite mihing ihi hi.

Nuntakna hu a paikhiat tak ciangin, eite i omthei nawn kei hi. Pumpi in sih khitciang in theih theihna nei nawnlo hi. Pumpi a sih khitciang in hu (nuntakna hu) in hongpia pa kiang ah tung kik ahih manin pumpi le a kimu theilo hu ii kigawm na hong kilangh khai mihing hong suak hi (Ezek. 18:20; Thuhilhsia 12:1-7; Job 7 :7-9).



PUMPI



A KIMU THEILO HU



MIHING HIHNA

ASITHEILOKHA

“Meilum kaite bei-in a man'than' bangin Leinuai-a paisukpa mangthang ding hi.” (Job 7:9 ZIV)



Mawhna hih leitung ah hong lut khit a kipan in, Satan in a sikhinsa mite tawh kizop theih nading in geel in tulaitak le mailam hun ding tawh kisai theihtheih nate tuate tuang panla in zangh hi.

Phuisamna, dawih thoih siamna ahihkeileh khutlam et theihna... cih dan pilna le lampi dang tuamtuam a zangh hih mite sang' in tu hun ah sikha upna pen mi tampi hong thei ding uh hi.



Lai Siangtho in “hih bang gamtatna a zangh mi in TOPA in kihhuai sa hi” (Thuhilhkikna 18:10-12). Tua bang a gamta mite in sihna thuak ding hi ci hi (Siam. 20:27).

“Dai takin a phun mualmual dawisate in kua hiam khat tawh a kiho ciangin, mite in Pasion dot huai salo-in, a nungta lai pen sangin a si khinsate tungah bang hangin va kuppiah pih lai uh hiam? Tua kihona kammal te-in nuntakna khuavak hong tun thei lo ding hi” (Isaiah 8:19-20).



THUCIAM LUI SUNGA SIHNA

"Misite ahi a, gamdaihna sungah a pai peuhpeuhte in ahi zongin Topa phatlo uh hi" (Late 115:17)



Sihvui hun bawlina khat ah "hih i sanggampa in hell gam lam ah zuan in a pai hi" ci-in kua mah in a genloh hangin, i sih khitciang in thu "hoih" in vantung ah kah to in thu "hoihlo" in mawh piakna thuak ding, ci-in sian takin hilh uh hi. Ahi zongin hih tawh kisai-in Lai Siangtho in koi bangin honghilh hiam?

Sih khit ciangin Pasion kipat thei lai hiam?

Late 115:17

A sisate-in, a innkuan pih ahihkeileh a lawmte tawh kikhawl thei maw?

Job 14:21

A sisate in a nungta lai te tawh kizopna nei thei lai maw?

Thuhilhsia 9:6

A sisate in ngaihsutna nei thei lai maw?

Thuhilhsia 9:5

Ih sihhit nung ah gamtat theina bangmah om nawnlo hi.

Thuhilhsia 9:10

Sihna in ihmud na khat hi ci-in Thuciam Lui in honghilh hi. Pasion in eite hong nungta sak kik ciang bekin ihmud na pan i tho ding hi (1 Kumpi 2:10; 14:20; Daniel 12:13).




THUCIAM THAK SUNGA SIHNA

"I lawmpa Lazaras ihmu zo hi. Ahi zongin amah a phong dingin ka pai ding hi," a ci hi. (John 11:11)

Thuciam Thak honghilhna sungah enleng, sihna a phong zo Zeisu khat bek mah in sihna pen ihmud na hi a ci hi (John 11:11-14; John 5:28-29).

Thessalonian khua te kiang ah lai a khak ciangin, Paul in "a ihmu mite aw" a cihna ah, a sisa mite thu, nihvei na a hong pai ciangin Zeisu tawh a kibangin thokik ding ahihna hong gen hi (1Thes. 4:13-18). Paul in thu-um mite in a sih uh ciang in Zeisu kiangah tungto pah ci-in a um hileh, amah in amaute tungah tua bangin gen ding hi.



A sisa mite thu, Paul in a gen ciangin "amah hong pai ciang," in nungta ding hi (1Cor. 15:22-24). "Ih vekpi in ihmulo ding" ci-in zong hong gen hi. A nungta lai khempeuh in mit phiatkaal in kikheel in, a sisa te in zong hong thokik in a kikheel ding hi (1Cor. 15:51-52).

Thawhkikna in Zeisu tawh omkhopna tawhtang hi. Thawhkikna a om keileh, gupkhiatna omlo ding hi (1Cor. 15:13-18). Thawhkikna ah eite' luah ding gamh ngah ding i hih manin tua hun ding ngah in i om hi (1Peter 1:3-5).

**NI TAWPNI
HUN AH
SIKHA UPNA**



LIM' LAKNA LE NALAMDANGTE

Khazih le kamsang kineihkhemte hong piang ding a, ahihzahleh, a teelsa mite nangawn a khemna dingun lim' le nalamdangte hong bawl ding hi" (Mark 13:22)

Kha upna pen Satan mahmah in makaih in a sep hi-in, tua thubulpi in kha-in si theilo hi cih tawphah hi. A nung a zuite in tuate a sisate tawh kizopna nei thei hi cih um in amau' kiangpan ngeina ahilo vangliatna ngah theih nading ngen uh hi.

Tu in Pasion in tuate ciangtan in a koih hangin, tua thu a thei mite in lamdang a sak ding nai theihloh zah phial in nalamdang te a bawl hun uh hong tung ding hi (Mark 13:22; 2Thes. 2:9; Mang. 7:1 ; 13:13-14).

A damlo mi khatin damna hong ngah khit ciangin; i manawt theihna bei-in ma i sawt theihloh ciangin; ahihkeileh i it nu le pa, lawm le gual in hong nusia khinte kiho.... cih bangin a lamdang nate a sem te mu in um kha ding hilo i hiam? Eite-in i lunggulhna ahihkeileh i ngaihsutna te tungah um in lungmuang in kinga zo ding ihi hiam?



Pasion Thunungta eite in hoih tak in ih theih tel in, Zeisu pen lungsim khempeuh tawh i muan ciang bek in galpa ii a nunung ze-etnate nang zo pan ding ihi hi (Isaiah 8:20; Eph. 6:13).

SIKHA UPNA II NGIIMNA

“Tuate pen dawite’ kha hi-a, na lamdang a bawl uh hi. A Vanglian Pasion’ Ni hong tun’ ciangin gal a do dingin leitung gam khempeuh a om kumpite a kaikhawm dingin a kuankhia uh hi.” (Mangmuhna 16:14)

Satan’ geelna in Pasion langdo ding, Pasion kumpigam usia in Ama tokhom luah ding cih hi (Isa. 14:13-14). Tua bang a sem dingin, ei hong uk gam thuneih nate tawh hong kipan in mi khempeuh zawh nadingin koi ci bang geelna hong zang ding hiam (Mang. 16:12-14).

“Kineih siamna khempeuh a lu tungah pua in Satan ngiat in Khazih hong kineih ding hi” (EGW “The Great Controversy,” Chapter 39 p. 625.)



Ahizongin Zeisu in tua thu pen a tawp sak nading hun a seh hi (Mang. 16:15). Satan pen a guallel galpa hi. Khazih in gualzo hi, Ama tung a kinga mi-in a sisan hangin zawhna ngah ding (1John 2:14; 4:3-4; Mang. 3:21; 5:5; 12:11).

Sikha upna ii khem’na a dozo mite kilamdan in te in: “Pasion Thukham zui-in Zeisu tungah a citak mite ahi uh hi” (Mang. 14:12).



“Mi siangtho te in Lai Siangtho pen kepcing ding vaipuak a nei tulaitak mahmah in a gentel kuhkal mi hi ci-in ka mu hi. Amaute in sihna ii a hang’ theician mahmah ding hi; a hangin dawite in itna nei kineih in a maute mai ah hong kilangh ding hi, meltheihte ahihkeileh sanggam tanaute in amau pen Lai Siangtho tawh kituaklo thute pulaak in nakpi takin a lunglut theih nadingin ahih theih zah un hong hanciam in sem ding uh a, Pasion mite tung ah Lai Siangtho thuman tawh thuak zawhna a neih loh na dingin amaute mai ah nalamdang tuamtuamte a bawl ding uh hi. A sisate in bangmah semthei nawnlo hi, tua bang hong kilangte pen dawigilote ahi uh hi.”

EGW (Early writings, p. 262)